



## Вулэң ёх емаң хатлат манлат



Хор: Фёдор Воронов

Курк тылац вуш элты ун кер тылац соханты унты мув суев ловатан Вулэң ёх емаң хатлат манлат. Кашң вошан, кашң куртан тацан яңхты мир яха уйтанылат, куцайт пидан потрэмилат, леккаратан вантлайт, Овс мув шимлаң мир хоятат пидан рупитты ёхатан нётопсайн мийдылайт.

Там лапатам аратад мир Дорвош района манас. Ванты

щита Ханты-Мужи куртан касаса, якаң-араң харат манты питлат. Щи ёхатты мойң хоятат верытлат антом туп вулэң ухла дэламтыты, щи тумпийн ловаң ухадан ищи хорңалтылайт, еша тутдылайт.

Емаң хатадан кашң хоят нэпекан мада, хота ханшман улты питал, мата харатан муй манты питал. Щи тумпийн, щита рахал ёнтопсаята пидтащты, хота нох питам хоят Волгоград

пи дор шомая верла. Овс мув шимлаң мир хоятат касасайт манты порайн кашң хоят верытлат «Юбилейный рекорд» постаты. Лув элтайл туп юрал па щёмал мосал, щалта па ям номас. Вератты даңхаты хоятат ураңан мастер-классат манты питлат, щий ищи пидтащияты, ант хошам верата уталтыяты.

Пулңават вошан па лапатам постаты питла. Мосванан нэпек уйтса, хота ханшман улда, хун

щит вулэң ухадан хой сорапак ёхатал. Аратад миран щи касаса шеңк мосман тайла. Ванты щи порайн ныда хой хонна, турамсот донщхоп этам вуш элты, ухадан яңхты хошал. Хоты вулдылал уталтаман тайдалды.

ЩИ тумпийн мойң хоятат хошгыйңқан йинщалталайт, худан лапатлайт. «Хошгыйңқан фестиваль» онтасан нэмолты хоят дэлды ант хащал. Щалта кашң нюки хота рахал доңтыты, щита каврам шай йинщематы, пул давематы.

ЩИ юпи лапатам па хол Аксарка воша сонтамадат. Щий аратад мира умащ яңхты. Ванты аршак вулэң ёх ёхтылдыл. Лувилала куртан лащкамшак улты, холты.

Тата мосванан тацан яңхты мохилув Новый Уренгой па Тарко-Сале вошңанан уйтанытасат. Кашң вош лув ямад па ялап верал алял. Ванты щи порайн умащшак. Кашң хоят молты вер сахат даңхаман щи воша манал, ант вантылдым вер нопса понал.

Хонна кашң щипки, вой там тови хатлата аматад. Хоятэв ищиты, хошам па найң хатлата. Щи веран емаң хатлата яңхаты па ищи амтатдыяты. Рутлан-сырлан пидан уйтаныяты, няврэмдан пидан шушидыяты.



воша манал. Ищи хатадан иса лэр питал, хой ойн ёхатса. Ванты, там пуш 80-мет талэв постадэв Волаң Ляльн нох питам элты.

Ноябрьск вошан там лапатам ищи хол «Авка» нэмпи емаң хатла актащлат. Ханто нэм-

там волаң вошеван олаң пуш Вулэң ёх емаң хатл манас – щит курк тылац 2-мет хатл 2004 тал. Там елпийн туп тащ хотатан верыдыса.

22-23-мет хатлатан Полябта ёхан калнаңан манал. Турамсот касасайт верлайт, мет шопаң

Алина Тоярова  
ханшам потар





Овс мув шимдаң мир хоятат ар версат Волаң Ляль нох питты ураңан. Ши веран, нумты, уятты па век ант ёрэматы ураңан Российской Арктика няд регион хуват «Арктическая эстафета Победы» манал.

Кашң хоттэд элты ши пораятан ёх хоятат ляля тусайт. Хонна ант хурдас па ант хурдалд ши шукаң пора. Хун муң оврущдув, щацилув, аңкаңкилув па ащикилув Волаң Ляль порайн усат. Ши веран ай кер тылащ лапатхощъянмет хатадан Чукоткайн питшал, ун кер тылащ хутхощъянмет хатадан Ямал муван сохнал.

Вулэң па ампаң ухадан, донщхопан па трэколан Знамя Победы няд регион мохты тула. Щит Чукотской автономной округ, Республика Саха (Якутия), Красноярской край



Хор: Керан Митры

па Ямал. Манты юш вет щёрас ветсот километра хуват.

Муң округеван патриотической акция Тазовской, Пуровской, Надымской, Ямальской па Приуральской районат хуват манал. Вотвой СВО хоца улам хоятат, тащан яңхты ёх, волонтерат па общественной организацията доңам мохет туты питдат.

«Арктическая эстафета Победы» нэмпи акция Ямал губернатор грант шитам онтасан верла. Тамащ волаң вер Вулэң ёх Союз постас.

Ши юпийн луңтап этал, хота Волаң Ляль порайн нётам Овс мув шимдаң мир хоятат элты ханшда. Пулцават вошан «Заполярная кавалерия» вантопса пуншда. Щита

эталтаты пормасат «Ледокол Кра-син» музей элты тулайт.

Нумастэман, тамащ верат шеңк мослат. Ванты, ши порайн шошия улты хоятат элты аршак па мир уятты питад. Па муң няврэмлув там шукаң пора ант ёрэмалэл.

Аллина Тоярова ханшам потар

## Проект хуват 74 хоят рупитты ёхтас



Хор: Андрей Ткачёв

Виктор па Виктория Сухоруковат Тюмень вош элты ёхатсат. Пулцават вошан «Доверие» хотан сопраотниката улдат.

Хасям талдан «Мастер рекрутмента» проект хуват округева леккар хотата па няврэмат пилан рупитты хон мув регионат элты

74 хоят ёхтас: 45 хоят леккар хотатан рупитал, 29 – няврэм уталтаты тахаятан.

Хасям талдан си проект хося 80 рупитты таха пилтасяс. Хон мувев элты волаң специалистат лавадман, сёрс молтас рупитты таха дэясат. Округ леккар хотата хулам ун хоят, хулам няврэм па хулам нэ мушат лечитты хоятат рупитты ёхатсат.

Ядпа рупитты йиты хоятат ураңан нётапсайт верман улдат. Улты хотэд ураңан охан сохаптадайт, мохты Овс мув нётапсайн луңатдайт.

Си проект 2023-мет тал элты рупитты питас. Округева си сыс сот ветъянкем хоят рупитты ёхтас. Ар пелак ёхтам хоятат талаң хоттэлдатан касалдат.

Альбина Тырлина ханшам потар

## ЯНАО губернатор доклад верты хатл ястаса

Па лапатан 19-мет хатадан 12:00 щёсан ЯНАО губернатор Заксобрание депутатат па округ мир ещад ясаң тул. АНО «Ямал-Медиа» хоца рупитты хоятат туты потар альдэл.

Кашң тал Пулцават вошаң па мойңа вохам хоятат Ямальской филармония хотан актащлат. Туныл китам потар онтасан ялап верат постасайт, хоты сахат там муван улты мир улапса туңа-щира дэщатты. Худантадан, ванталан, ялап верат оша поналдан, ант уйтам верат уйталдан.

Аллина Тоярова ханшам потар

## Арэхта ёк емәң қатәл

Новый Уренгой вочән ими емәң қатәлн арэхта ёк ювәт фестиваль-конкурса «Наследие Арктики». Тәт арэхсәт Увәс мәх арәт.

Новый Уренгойя Пулцават, Тазовский, Муравленко, Овкурт, Тарко-Сале элта ёк арэхта ювит. Ема арэхсәт яран эвәт, қантәк имәт, саран ёхәт. Атәл арэхта кутән мет ема арәсәс Галина

Артанзеева Овкурт элта. Лув оләң местайн миюм. Арэхта ансамбль кутән мет ема арэхсәт яраң ёк «Яламдад нумгы».

Жюри неңәт кутән Вера Кондратьева вос, чит қантәк қәлән арэхта нә. Тәм конкурс вос кимит пуш. Па олән ос тәм фестиваль-конкурс вәрыт.

Галина Кечимова ханшәм потар



Хор: Галина Кечимова



## Дэтот каварты хоятат кассат

Дорвош районан ашкудаятан дэтот каварты лапат хоят касапсайн касас. Касапсаед онлайн сирн манас. Кат сёс сыс хулам дэтот каварты мосас.



Хор: Ирина Малафеева

Касты хоятат технологической карта хуват рупитсат па вуды нёхи элды дэтотат дэсятсат. Вуды нёхи хулам дэсытам дэтот элды: медальонат, суфле па тефтелят, йи дэтот пирисат. Хоты лувед кавартсат, нёхты хора вусат па китсат.

Комиссияя доңам хоятат кат хоят пирисат. Нох питам хоятңан кутан – Дорвош ашкудайн рупитты ху Олег Александрович Кобелецкий па Доркуртан рупитты нэ Ирина Васильевна Малафеева.

Сит элды Ирина Васильевна каматса ясаң ястас: «Симась касасайн ма кимет пуш каслам. Ашкуда столовайн 2018-мет тал элды рупитлам. Си едпийн ай няврэмат яңхты хотан совхоза усам, хун дэтот каварты хоятат отпуска маньдысат, дэтот кавартсам.

Касапсайн ма вуды нёхи элды суфле, запеканка хорпи дэтот, вурты рых па яблоко элды желе, мёд па вурты рых пидан йинсьты йиңк дэсытам. Дэтотлудв няврэмата муң туп вуды нёхи, улты мувеван мосяты хулат па энамты вонсямотат элды кавартлудв.

Няврэмата, хоты ин ястадат, правильной питание меню хося доңалты мосал. Сишан ар хорпи вонсямотат элды дэсытам десертат па йинсьты йиңкат каварты мослат. Ма нумаслам, лув симась от дэты ант питлат. Вуды нёхи элды кавартам дэтотат лув дэдат, хулаң дэтотат шималшак».

Альбина Тырлина ханшам потар

## Шимлаң мир ёх уталдыты давалдайт

Кашң тал мир ёх верат туты Федеральной агентства па Хон мувеван па мир ёх верат туты Министерство хося луңтасты Московской государственной международной верат институт пидан «Шимлаң мир ёх. Общественной дипломатия ашкуда» хон мув уталдыты программа касаспа верлат.

Уталдыты утситы хоятат ай кер тыдасы хусмет хатл унты нэпеклад китгы верытлат. Уталтапсаед хулам ят хуват манты питал.

Олаң этап ун кер тыдасы элды уц тыдасы унты дистанционной сирн верла. Лапатъяң сёс законат па шимлаң мир ёх тайты па уяты мосты верат элды лекциятан луңатлайт па дискуссиятан верлайт.

Кимет этап унт дор тыдасын мет аршак шимлаң мир ёх улты тахайн манал. Сита касты хоятата хон мувеван мет яма тыйм бизнес па шимлаң мир ёх туты верат элды потарлайт.

Хасям ятан уталдыты хоятат Москва вошан акатлайт. Сита лув хоятат ещад потарты, проектат дэсытты уталдайт па хон мувеван шимлаң мир ёх пидан рупата туты тахайт эталдайт.



Хор: Альбина Тырлина

Касапсая хон мув шимлаң мир хоятат давалдайт. Schol-kmn-rf.ru проект сайтан ханшлтантыты мосал. Муй тахайн уталдысат па муй общественной рупата тусат, нэпекат холна мосмитлат.

Хольмаң педа вет полуфинала этап хоят хон мув йи региона тудайт. Хон мув, хоятат пидан рупата па шоши мир ёх верат (права) туты уталдайт.

Ветхосьяң нох питам ёх муй си уйтантасайт элды шитлат:  
– потарты сира, социальной проектирование, яма верат тыйты ураңан, потар туты уталдайт;

– шимлаң мир ёх инсясапсайт

па хон мув мир па мир ёх верат туты ураңан, уйтантопсаята тутлдылайт;

– лув рут ёх дэсытты проектат елды туты ураңан, муй хорпи консультация па муй арат нётапса ох мосал, ястадайт па альдайт;

– шимлаң мир ёх рупитты тахая стажировка китлайт;

– хон мув вузатан уталдыты па переподготовка маты сертификатат шитлат;

Хой молты инсясапсайт тайл, school.kmn.rf@gmail.ru электронной почта хуват дэрапты верытал.

Альбина Тырлина ханшам потар

## Кашң тал манты хон мув нётапса

Ямал мувеван кашң хатл хоятата нётты верат манлат. Йи цимац верат кутан «Снежный десант РСО», там тал хутмет пуш манас.

Рупата педа уталдыты ветхоцьяң айлат ёх талаң лапат Дорвош районан нётты хоят ант тайты пирац имета-икета нётсат. Волаң Ляль манам талатан рупитам хоятата, Ляль порайн няврэма удам эвета, похата, СВО харан улты ёх хоттэд мохилада хот овладан лонц хирсат, юх сэвартсат па дэтот лутсат. Ляль порайн антома ювам хоятлудв постаты Кев хорат хоца шушидыты харат сыстаптасат. Уталдыты няврэмат пидан ёнтсат, кассат па мастер-классат альсат. Куртаң хоятат нётты няврэмата каш вантопса дэцатсат.

Там пуш манты «Снежный десант РСО» акция Волаң Ляль нох питам 80-мет тала постаман ул. Едпи манам талатан, тамиты ай куртат хуват яңхман, сот молтас айлат ёх нядсот пирац хоята нётсат.

Зоя Куртямова ханшам потар

### ОБЪЯВЛЕНИЕ

ПОЛНАЯ ИНФОРМАЦИЯ ПО ТЕЛЕФОНУ  
8(902)81-6-11-90  
ЗВОНОК ПО РОССИИ БЕСПЛАТНО

**СЛУЖБА ПО КОНТРАКТУ В ВС РФ**

**ВРЕМЯ ДЛЯ ВАЖНЫХ РЕШЕНИЙ!**

**КОНТРАКТНАЯ СЛУЖБА**  
**6 200 000 Р**  
ЕДИНОВРЕМЕННАЯ ВЫПЛАТА  
**3 500 000 Р**

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления прописки в г. Салехарде бесплатно, 3-х разовое бесплатное питание!

**ОБУЧЕНИЯ:**  
✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ  
✓ ТАКТИЧЕСКАЯ БОЕВАЯ  
✓ МЕДИЦИНСКАЯ ПОДГОТОВКА

3 100 000 Р ЕДИНОВРЕМЕННАЯ ВЫПЛАТА ДО 120 000 Р СЕРТИФИКАТ НА РЕАБИЛИТАЦИЮ  
400 000 Р МИНИСТЕРСТВО ОБОРОНЫ  
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

**ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО**

**РЯДОВОЙ** ОТ 210 Т.Р.  
**СЕРЖАНТ** ОТ 232 Т.Р.  
**ПРАПОРЩИК** ОТ 292 Т.Р.



# Ёхан мув хантэт элты айкел

(Олаң шупал № 10 лудталн)

– Нын музей хотан хоша муйсыр хоятат холна Ёхан мув хантэт арсыр пормасат па думатты сохат ияха акатал, сыр-сыр айкелат лый улапсаел элты ханшал?

– Пыть-Ях вошаң музей хотэван йис пормасат шавиты па вантты нэ, наукайт щирн рупитты кат нэңдан, арсыр вантопсайт лэщатты нэңат па ма, куца даңкар нэ, холыева ияха катдасман, кашң муңева мосты рупатайт верлуд. Тамхатл вуш унты Ёхан мувев хуватн улты хантэт элты ямкем ар пормас, думатты сохат, муйт акатсув. Аратэлн, ияха лудаттыя ки, хутсоткем пормас тата, руц ясаң щирн, экспонатата верман тайлуд.

– Зоя Лазаревна, Ёхан мув доваттыйн улты хантэт нын краеведческой музей хотана арсыр щимащ пормасат па хатнэху думатты сохат, адпа молты охат онтасан тынылат, муй па тухал отат ад щиты тынды-пелды нынана мойдалат?

– Муң ар щирн щимащ пормасат муй думатты сохат лый элтаел мошатылуд.

Тухал порайн куца ёхлудан охан ки малаюв, щит иса ох сахат лудлуд. Щалта па мортаң отат ханты ёхлуд музей хотэва тынды-пелды, ад щиты щи мойдалат. Мосал ястаты, хоты Ун па Ай Ёхан хуватн тамхатл вуш унты муң

ямкем ар туса верантты хоятат ай куртатан тайлуд. Ма лудан холна щиты ястасам, ванта, щимащ тахаятан улты хантэт холыева ар пелак сыр-



Ёхан мув хантэт худ велты сойпие, ай даңкар ухды, ай хопие па ай хоп воңхтыя даям хорасат.

Тамхатл Пунси нэмпи ай куртан Нефтеюганской районан Анатолий Александрович Каюков ул. Лув муңева там



Паварт хот.

Нянь верты кур.

ёхи хащам 2024-мет талн ай хоп воңхас па вулэң ухал туңа щира па шеңк туса верас. Юхат па лув апщел, Вячеслав Каюков, краеведческой музей хотэва арсыр ханты юх сарат лэщатас. Ёхан пелак Курломкины вут куртан улты ху Леонтий Данилович Каюков пидн уйтантымев порайн, нараслыты юх муңева верты партсэв. Лув тата мосванан ханты мирэв ёнттыя тор юх, руц щирн «журавль», хорамаңа верас. Щалта хатадан няврэм тайты онтап па воньщом отат нампрат элты сыстамтаты хошап музей хота лэщатас. Лув ийимел, Наталья Николаевна Каюкова (Купландеева) ай эви думатдыты сах хорасаңа ёнтас. Щимащ тусаңа верантты ёх элты, ун пормасат па думатты сохат, муң кашң пуш ох сахат лудлуд, айшак отыет лый муңева ад мойдалат.

– Ин тата верам вантопсайн нын муйсыр ханты мир пормасат тайлаты?

– Ма холна «кынь чоп» нэмпи пормасэв элты наңена утщидам ястаты. Нын щиранин, щит тонты элты лэщатам «хинт». Ёханаң ханты ёхлуднэңлуд ин тамхатл унты йиңка муй унта яңхтэдан, ай няврэмиедал щимащ хинт лыпийн иса патан тайлэл. Хун аңкел-ащел арсыр рупатайт верлат, няврэм талаң хатл сыс щи кынь чоп лыпийн омасты верытал. Ма щирэмн, Ёхан мув ханты ёх ураңан муң шеңк мосты вер музей хотэван лэщатлуд. Ванта, лый улты-холты щирдал па культура вердал арсыр мир хоятата тата кашң пуш ямсыева па хорасаңа этадталлуд!

Владимир Енов ханшам потар



«Кынь чоп» – няврэм патан тутдыты хинт.



# Вуд онтас верта веритлат

Округ хуват фольклор па шоши мир нэхэт, хой лув ясқад савиман тайл, касап-сайт пинтцасат. Щита энамты нэхэт 18-мет тал эвалт 35-мет тал маса, хой савиты, онтгады па мур элты ясқад пушци лавалты проектат верл, Ямал мув губернатор премия сытта веритлат. Кат нэху, хой ропатайдал мет ямми лавдайт, 50 щёрсна мадайдан.

«Тамхатл энамты нэхэт, шимлаң мир щират-пищат, яснел савиты па алцищ туты ораңна вуд вклад верта веритлат. Там конкурс энамты авторат ораңна 2022-мет тал эвалт верла, щита талат сыс хут автор грант сытас. Муң сэнк ярацду, касқ тал йидап нэмат этлат па йидап талантат пунсду, щита нэхэт щирдал-пищдал па яснел савиты тахайна самдал пондат», – шимлаң мир ях пидна ропытты департамент коща ның Ульяна Каленюк лавас.



Хор: Альбина Тырлина

Холна хут ох майлапсы, касқ майлапсы тынд ветъён щёрс, кат номинация хуват мала «Душа народов Ямала» па «Семья народов Ямала». Щита касқ шимлаң мир хаттэл каста веритл. 2012-мет тал эвалт 99 Ямал мув нэху лаурета йис.

Проектат вантты ораңна экспертной жури верла, щита

фольклор, наука, щират-пищат, айкел хансты нэхэт лоңлат.

Касты хара акатты нэпекат ад тута рахал па почта хуват китта там адрес хуват: 629008, ЯНАО, Пулцават вас, Гаврюшина васхули, 17 хат. Хой мала дырамтты вер ки тайл, там телефон хуват инциста рахал 8 (34922) 6-70-21.

## Ох нятапсына мадайт

Водаң Ляль 80-мет нох патам постам тада 3000 щёрс кем Ямал мув нэху ипус маты ох нятапсына мадайт, щита ораңна заявление ханста ант маста пилт. Ловатдна вет категория олта пилт, касқ категория ораңна щирл тын.

«Мува сайдаты хоята постам тада муң нэхулу ораңна холна йи молтас ох нятапсы лэщатсу. Ма номастэмна, ляльна яңхам па ляль порайна ропытам нэхэт ораңна щит сэнк ям майлапсы», – Ямал мув губернатор Дмитрий Артюхов лавас.

Водаң Ляльна лялесам, ляль порайна инвалидность мощатам нэхэт па нявремат хой немщат хоща узника ос 200 000 щёрсна сохаптадайт. «Житель блокадного Ленинграда» знак тайты нэхэт ох нятапсы 100 000 щёрс пилт. Ляль порайна ропытам нэхэт хой «Труженик тыла» нэм тайл 80 000 щёрс. Ныңат, хой икидал ляльна парсат, 60 000 щёрсна сохаптадайт. Ляль порайна ропытам нявремат, хой вуд ропытам стаж тайл 15 000 щёрс.

## Хутмет водаң литературной уйтантопса



Хор: Вера Лонгортова

Ямал мувна хутмет мет водаң литературной уйтантопса ун кер тыдац 1-мет хатл эвалт 3-мет хатл маса Ноябрьск васна манл. Щита хос молтас хон мув автор актащл.

Щита уйтантопса Ноябрьск 50-мет тада постада. Майң нэхэт ораңна вуд программа ропытта пилт: творческой уйтантопсайт, регион хуват этам йидап луңатты нэпекат эттадайт, па нэхэт онталайт хоты ямальской литература алцищ тута. Щита томпына потрат хансты нэхэт эвалт мастер-классат пилтлат.

Майлата ёхатты нэхэт кутна мет водаң Татьяна Устинова, лув хансты потардал ар пелак нэхэтна оцдайт. Лув кимет хатл пунсал. Щита касқ нэху яңхта веритл.



Хор: Вера Лонгортова

## «СВОи Герои» пормас вантапсы пунсса

Охсар похал пормас савиты па эттыды хатна «СВОи Герои» выставка пунсса. Мет ямас ашкола нявремат вантта яңхлат.

Щита СВО хоща олты ях хорат вантта рахал, ляльна таям масайдал, ляль ораңна масты пормасат, сайдаман тайты понат, нялна хайм телефон.

Щита пормасат ляльна яңхам па парта ёхтам Александр



Хор: priuralys-rkm.ru

Шлюшинский акатсалды па пормас савиты хатна нэхэт элты эттыда масды. Щита вантапсы мет такан энамты нявремат самна лоңас, инцисантысат, щидта вантам пормасдал пушци кутдална потарсат. Щимащ вантапсы онтасна анта топ ляль пушци нэхэт ямас оцта пилтлат, щимащ урокпат патриотизм хоща ямас нятлат.



## Хорасаң Товы ның

Хорасаң Товы ның оvs муv педа майдата манта питас. Тал хуват лув щицкет пилна хасам муvна ос, хоты най палтан килта питас, лув щи манти номасна ёхатса.

Товы хасам муvна яңхты щицкет педа лавал: «Лонтат па хотңат тувалан манэм мет хувн олты оvs муv сыдатна, нэңхэт дайласлат, ваят дайласлат, щицкет дайласлат». Топ щицкет палтамасат ищки муv педа манта: «Щита, лавдат, ланщ па ёңк, ищки па лытыт антам, щита, лавдат, муң патлаю па халду».

Хоты товы ант вуратас, нэ-маттытна ищки муvна тута ант дытса. Нюр каслы питас: хоты верда, щиты щи идампа хасам муvна олта питдам. Сэ-рак, халща кепа торам эвалт турсый холас: «Ал халда, Товы ның, амса ма элтэм, ма наңен ищкиурмат оvs муvна тулэм». Нохаш вантамтас, торам хуват



Хор: centridea.ru

вуд нави падаң. Товы амтас, лэлас падаң элты па ищки муv-ват педа пордас. Щиты манл пордаман, илащ муv педа вантамтыйл. Щита, муvна, аса амтатълилат, хойна аса уйтда. Торн харна муv латат этмел, соймаг паханмел, ёханна ёңк сукатлат, юхат па варсат элты лыпат поталэт этта питмел.

Пордас Товы ның вуд нави падаң элты хасам муvат эвалт оvs муv педа. Лув юпелна муvдал педа щи арат щицки пордас – лонтат, хотңат, вават, путы лохвусныңат па па щицкиет.

Щи пора эвалт нэңхэт вуд нави падаң эвалт арталата питсэл, торамна ки этас, щитна Товыны ның ванамас. Хасам дайлта масл, ёңк напатла, каврам муv эвалт щицкет ёхатлат....



Хор: pinterest.com

## Сыстам щицкиет

Мет такан йинтпаң вай элты товы хасам хатлат омщат осат! Орна йи ланщ сэм харты ант хыщас, торамна ат хуват пахлат сыящлат, пахал нялат ант кепа нысайт, алаңсахат маса щимащ так ерт манас.

«Ор люхытыйл! – йинтпаң вай номасл. – Хол юхат, юх аңклат па ор сыдат. Щицкет каврам муv эвалт йилат, лув ертна тохалдал люхытлайт!»

Алаңсахат йинтпаң вай хат ув элты этал: сыстам, нох люхытам щицкет лайдал.

– Холна ант ёхатсат! – Лаңки лавас.

– Кар-р-р! Лувилал щёкат хув ёсна! – Ворңа ими лавас.

Йинтпаң вай дыл сув эпсэнтал па лавал:

– Ищипа сыстам щицкиет эвалт щатл!

Щи порайна хаңхра юх тай элты амасман ищи пундал сыстамтал.

«Ма ищи сыстам олта масдам! – номасл. – Щицкиет ёхатлат па лавдат: Хаңхра, малай наң щимащ хулең осан?»

Савар ищи, варсат илпина амсас па палдал дюхытта питас.

– Хол юх нахар вуя! – Йинтпаң вай увтас. – Щимащ нахарна мет ямас хулидан питлат!

– Аңатлам па малайна мет ямас сыстамта рахал? – Кураң вай инчислалды.

– Хысна, – Йинтпаң вай лавас. – Хыс кинща нэмоса ям ат ант моцатлан. Щикинща, Кураң вай нык манас, щита Охсар ими олмал.


– Няты манэм, нэрыда аңатлам хысна, сыстамми ат йилат.

Охсар ими аңа-

тлал щиты ямас нэрсайт, ал щулпилат, вантта омащ.

Кураң вай щиты амтас, щиты лувел ям ос.

Хаңхра па, пундал ямас сыстамсалды, итта лув сыстам па энамты. Йинтпаң вай мули хувн йинтапдал щицканна моңхассалды, ищи сыстам ос. Щицкет, ор ваят, аса Товы лаялдат.



## Товы ёхтас

Мин хаптанлы сосыдыта манта вутщисман, топ ант эсалсайман. Щи курамна мин икемна такан халдата питсаман, щитна охал хаптан соматта партсайман. Идампа, мин сымалтан па айлта халдасман,



Хор: culture.ru

ма холна йи щёс ки халдасам – хаптанлы эссыим лолан, топ ма палтамасам, сэрак, век нэмоса хол ант эсалдайм.

Камн торам сэңк ям ос: хасам най па ланщ лодал. Хата антам соймаг овлат.

Ай соймаг хырсаман, щиканща хоты хощ лодам ланщ йиңкат щи овта питсат. Ялта ма юх эвалт эвтам ай хап тусам – ма лувел щирамна версем – сахлат эвалт баржа сэңксам, ай хап хоща йирсэм. Хапман сойм хуват напатман манас, юпелна баржа

тадас, щи курамна ма мотор иты омысам.

Йи баржа элты ма дов эвалт эвтам вас аматсам. Маша лавас, вас щирдна певалта веритл, топ ма лавсам: анта, лув вусаң, ил лоңта веритл, щи томпына, лув капитан, па Маршак хансму лунтар лунатсам:

Вас ай хап тул,  
Волаң моряк. –  
Муv! – Вас лавас. –  
Хаяты. Кряк!

Ма холна Усик нэмпии катем сойм хуват ай хапна китта вутщисам, топ лув кунсантта питас па увта, ант дытта питас певалта. Маша па парсаң хап талдийс, топ лув хапал ивейна йира хампалас. Идампа, ват йира поласас.



# Хоты Ищкең Аки Тови юкана хащты вутщийс



наварман лув пуңдалан ал вощатысат. Каман щах новия йис.

Вантал Ищкең Аки: унт нёл хоца Питы Лук омасал, пунал питы, лавам хорпи. «Тамен хар тахайн омасталд патын, илампа вера щи питал, – Ищкең Аки нумасыйл. – Тал хуват донщ илпийн ханятыйс, ин унтан донщ антом, юхатан лыптит холна ант этсат. Холта ханемал, хота маңнатдыман омасал, мув хоца ныла, юхан омасман па ныла».

Лук Ики хоты ант па нумасыйс ханятыты: ханшаң лук имет кейты хара вана актащлат, Лук Ики па лув сахатал вошкиман, тьел-тохел карыман ал шушамтыйл:

– Чуф-ши! Чуф-ши! Вурты сэм холямдам хорамат! Пуши пундам нох аламдалдам, тохалдалам лакки ёвалмалдам!

Хатл кутпа йис, – хар таха элты лук пукайт унта мантсат.

Унт хуват Мойпар шушал. Хонлох довлал нылайт.

«Щах щи таңха лувел атом, – Ищкең Аки Мойпар педа нопсал керлас. – Одам лотал элты нумасал ки? Ин лудан одас па одас – нэмолты дэтот каншты ант мосас».

Щи кут Мойпар ил дойс, куншладан молты мув лэр эдпа талас па уңда вусды. Дойл, аялта омиман лухлатал: мув лэрдал таңха эпланат.

Ищкең Аки потлаңал куншты питас, нумасал: «Я, па муй ястаты, – тамен па тови ёхтам хатлата амтас таңха! Йи от ма элтаем ант нумасал. Амуй Тови хоца яңхты, лувел инщасты, унтаң мохилал ахоты версалды, холдыена ипуляң отшама йисат?»

Ун ики хул юх сай элты эдпа этас па

Тови нэңие сорнең тохдалан мува датас. Унт мохты сыяңа йис. Донщдал долаты питсат, соймиет полңилтыман илды педа овлат, еңк пулыет шулилат, хошам вотые юхат кутан ёвартыман яңхал. Тохлаң во-йиет атаң-хатл щиплэматы сыел!

Ищкең Аки хоты шеңк хува ант манас, иса хулад. Лув сахатал нумасыйл: «Ма улдем порайн, щикем ям ус. Унтан шитам, туп щашал хоты юхат херыдат. Там тови сыйт ал па торасталат. Ёхлы ёхатдам ки, илампа аматлат».

Аттыя аялтайе ёхлы унта ёхтас па ун хул юх сайн ил ханемас.

Хутлаты щи питас. Ищкең Аки хулад: Шоврые увман унт хуват наватлдыйл, палтап щах ант тайл.

Ищкең Аки Шоврыел щалитман нумасал: «Унтан донщ щах антом. Мув эдпа этас, Шоврые па сахал нови, кашң отан кашалада, щита щи моцатла. Палтал элты таңха отшама йис, амуй щиты такан увал?».

Вантал: Шоврые юша этмас. Донщ хорпи нови сахиел ал антом, сахал хопшат. Лув юпелан лухаслад наварман юша рыйсат, ищи холдыена хопшат сахан. Амтатдыман увлат, наварлат.

Ищкең Аки нэмолты оша ант паятал, тушал вощхиман туп нумасыйл: «Тови нэңев Войт пилан амуй верас?»

Шоврые лухаслад яха акатмал. Увлат, щалылат. Лухас шоппи наварлат, палтап верэл ёрэмасэл!

Ищкең Аки щиты нумастал элты, шоврат



Тови нэңиел каншты манас. Шеңк хува ант манас, Тови хорам нэңиел ещал этас. Ернсал ханшаң, охсохлад сорни най тутан волилат, няхаң-ёнтаң тур сыйн иныкел инщасладды:

– Я хоты?! Ардув хулантты па яклув вантты ёхатсан? Мосаң ищкийн муңев палтаптаты вутщилэн?

– Матты ки нын молты элты палдаты!.. – вошкемаман Ищкең Аки ястас, – Шоврат отшама ювман, шома охан наварлат, палтап щах ант тайлат. Хоты версалдан, охдывевды хащман наңен туп ишаклат?

Тови нэңие няхан ёхатса:

– Ёша-кура наң лувилал инщаслэн ки, мосаң вер этал.

Ин нэңиев арал ел арэмасды па щиты арыман нох пурдамтас, восты унт нумпийн манман арал лув юпелан щиты щи таласал, хува щашал.

(Елды па ул)

Зоя Куртямова  
толмащсалды



## «Тут ими» кинофестиваль манас

Ёмвош округан хасям сются-ты хатдтан «Тут ими» кинайт эталтыты фестиваль верса. 563 заявка нэпек 45 хон мув элты китман ус. 94 кина эталтыса. Худам хатл сыс антом туп уйтан-топсайт мантсат, арыр вератты харат, каш верты фестиваль программат дэсятман усат.

«Наң кинаен» Овс мув ошаң няврэмат Центран ашкуда няврэмат, студентат, энамты ёх кеша ун программа дэсятса. Китай муван 2024-мет тадан кинопремия шитам кина «Хот доңалан футбол ёнтапса» си уйтантопса пуншас. Ияха па мув мир ёх хут кина эталтыса. Си юпийн,

яртъяң ашкудайн уталтыты няврэм мет сама хойм кинайт пирысат.

Югра-классик каш центр хося дэсятам вурты юш хуват хон мувеван уятты кинематографистат, актёрат па программат туты хоятат мантсат. Лув кутэдан Леонид Якубович, Ирина Розанова, Марина Голубкина па па хоятат шушсат.

Кашң хатл дарпитам харатан научной, этнической кинайт, анимационной нёхты хорат эталтысайт, каш верты харат дарпительсайт. Фестиваль етшаты юпийн, нёхты хор касапсайн нох шитам хоятат мойдаптасайт па хятатан пирыим кина эталтыса.



Хор: ugra-news.ru

## Шимдаң мир ясңат сайта дэсятлайт

Ялап тадан вепской па карельской (ливвиковской наречие) ясаңнан «Яндекс Переводчик» сервисан этлаңан. Ин сот сёрс потар шуп пидан рупата манал.

Петрозаводск вошан мир ёх хотан карелат, вепсат па финнат уйтантымел порайн, симась ясаңан ястасайт. Хольмаң сёрс потар шуп карельской па катхосьяң сёрс вепской ясңат пидан рупитты хоятат интернет дыпия пондалдал. Рупатаел 2026-мет тал ван хатлап тыдась унты етшпататы мосал.

«Мир ёх верат туты агентство хон мув шимдаң мир ясңат ураңан «Яндекс Переводчик» дэсятас. Ин си сервис хося нийл ясаң доңалман ул. Лув кутэдан саран, хатань, башкир, чуваш, удмурт, якут мир



Хор: finnougoria.ru

ёх, горномарийской па марийской ясңат дэсятман улдат.

Каматса тал сыс холна хус ясаң доңалты утсидат. Там ясаңнан па лув кутэдан питлат», – мир ёх верат па региональной политика Министерство шимдаң мир ёх верат туты отдел куся нэ Елена Мигунова ястас.

## Сорнең «Калевала» этас

Карелия муван хорат ханшты Владимир Фомин, «Калевала» постама ялап нэпек эсалса. «Скандинавия» нэпек эсалты хот куся ху Михаил Скрипкин ясаң элты, сит сорнең нэпек, холта ар рупата дэшатман ул.

Си нэпека хутъяң педа нял хор понтса. Хорат ханшты хоятэв хольмаң тал Петрозаводск вошан ул, Томск вошан энмас. Кашң лопасан филолога, ханшты хоята па переводчика улты нэ Елена Соини ясаң верас. Лув «Калевала» элты, толмащам па дэсятам рупата элты айшукие ханшас. Си нэпекан Леонид Бельский толмащам ясаң шупат дэсятсайт.

## Аканят эталтыты вантопсайт мантсат



Хор: finnougoria.ru

Югра муван кинайт эталтыты фестиваль манам порайн, аканят эталтыты вантопсайт верыдысайт. Симась кинайт хон па Белоруссия мув дэсятты тус хоятат «Неизведанная вселенная» фестивален уйтантысат.

Си касасая 123 рупата 24 хон мув регионат па Белоруссия мув элты китман ус. Мир ёх улапса па йис потрат хуват аканят альты кинайт эталтысайт.

Жюри хося доңам хоятат рупатаел тувмел порайн, социальной сетят хуват онлайн-голосование верса, хоятат кина пирысат. Нижневартовской район «Карусель» няврэмат студия «Анимационной ханты ясңат» рупата мет ар балл шитас.



Хор: finnougoria.ru

Альбина Тырлина ханшам потрат

### Газета «ЛУХ АВТ»

Адрес редакции: 629003, ЯНАО, г.Салехард, мкр. Богдана Кнуянца, д.1, каб.106 (34922) 4-68-63

E-mail: luh.avt@yamal-media.ru

### Учредитель

Департамент внутренней политики Ямало-Ненецкого автономного округа (629008, ЯНАО, г.Салехард, пр-кт Молодёжи, д.9, каб.708)

### Газета зарегистрирована

Управлением федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО 19 апреля 2012 года Регистрационный ПИ № ТУ72-00558

### Тираж 1300 Заказ 0240

Подписные индексы: на год – ПА700, на полугодие – ПР561

### № 11 (1262)

Газета вышла в свет 15 марта 2025г.

Подписано в печать 13 марта 2025г.

по графику: 16.00

фактически: 16.00

Газета выходит по субботам

Цена годовой подписки 88 руб., в розницу не распространяется

### Издатель

Департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708)

Отпечатано в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнуянца, д.1, каб.106

Фактический адрес: 629007, Ямало-Ненецкий автономный округ, г. Салехард, ул. Чубынина, д.39А

### Генеральный директор

АНО «Ямал-Медиа» Зулинова Марья Андреевна

### Главный редактор

Яковлева Аллина Кирилловна